

## ՏԵՂԵԿԱՆՔ

### ԱՀ-ում սեպտեմբեր ամսում երրորդ տասնօրյակում դիտված օդերևութաբանական պայմանների վերաբերյալ

Սեպտեմբերի 25-ին առանձին շրջաններում դիտվել են տեղումներ:

Տեղումների գումարային առավելագույն քանակը կազմել է Մարտակերտում՝ 15 մմ, Ստեփանակերտում՝ 2 մմ, Ասկերանում՝ 1 մմ:

Օդի միջին տասնօրյակային ջերմաստիճանը Ստեփանակերտում եղել է  $+20.1^{\circ}\text{C}$ , նորմայից բարձր  $5.1^{\circ}\text{C}$ -ով, Ասկերանում՝  $20.5^{\circ}\text{C}$ , Մարտունիում՝  $21.2^{\circ}\text{C}$  նորմայից բարձր  $3.5^{\circ}\text{C}$ -ով, Մարտակերտում՝  $23.0^{\circ}\text{C}$ :

Ամենաբարձր ջերմաստիճանը դիտվել է սեպտեմբերի 21-ին և 28-ին՝  $+29...+33^{\circ}\text{C}$ :

Ամենացածր ջերմաստիճանը դիտվել է սեպտեմբերի 26-27-ին՝  $+11...+13^{\circ}\text{C}$ :

Սեպտեմբերի 23-25-ին դիտվել է քամու ուժգնացում, պոռթկումները մինչև՝ 10-13 մ/վրկ արագությամբ:

Սեպտեմբերի երրորդ տասնօրյակում օդի միջին հարաբերական խոնավությունը կազմել է Ստեփանակերտում և Ասկերանում՝ 61-62%, Մարտունիում՝ 59%:

### ԱՀ-ում 2022թ. սեպտեմբեր ամսում դիտված օդերևութաբանական պայմանների վերաբերյալ

Սեպտեմբեր ամսում դիտվել է քիչ տեղումներով, նորմայից բարձր ջերմաստիճանով եղանակ:

Տեղումների ամսվա գումարային քանակը կազմել է Ասկերանում՝ 5 մմ, նորմայի 13%, Ստեփանակերտում՝ 8 մմ, նորմայի 21%, Մարտունիում 10 մմ, նորմայի 26%, Մարտակերտում 21 մմ, նորմայի 66%, կամ Ասկերանում, Ստեփանակերտում 1-3 մմ-ով և Մարտունիում 48 մմ-ով քիչ, Մարտակերտում 13 մմ-ով ավել, քան 2021թ-ին:

Օդի միջին ամսական ջերմաստիճանը կազմել է նախալեռնային շրջաններում՝  $+20.8...+21.7^{\circ}\text{C}$ , որը բարձր է նորմայից  $+2.7-3.1^{\circ}\text{C}$ -ով, հովտային շրջաններում՝  $+22.3...+24.0^{\circ}\text{C}$ , նորմայից բարձր՝  $2.6-3.2^{\circ}\text{C}$ -ով կամ  $0.2-1.8^{\circ}\text{C}$ -ով բարձր, քան 2021թվականին:

Օդի ամենաբարձր ջերմաստիճանը հանրապետության տարածքում դիտվել է սեպտեմբերի 2-3-ին. նախալեռնային շրջաններում  $+34...+36^{\circ}\text{C}$ , հովտային շրջաններում՝  $+36...+39^{\circ}$ :

Օդի ամենացածր ջերմաստիճանը դիտվել է սեպտեմբերի 26-28-ին՝  $+11...+13^{\circ}\text{C}$ :

Ստեփանակերտում, Ասկերանում և Մարտունիում հողի մակերևույթի նվազագույն ջերմաստիճանը իջել է մինչև  $+10...+13^{\circ}\text{C}$ , առավելագույնը բարձրացել է մինչև՝  $+47...+59^{\circ}\text{C}$ :

Սեպտեմբեր ամսվա քամու միջին արագությունը կազմել է 2-3 մ/վրկ, առանձին օրեր դիտվել է քամու ուժգնացում, պոռթկումները մինչև՝ 10-13 մ/վրկ արագությամբ:

Ստեփանակերտում, Ասկերանում և Մարտունիում սեպտեմբեր ամսում օդի միջին հարաբերական խոնավությունը կազմել է 59-62%, նորման Ստեփանակերտում՝ 68%: